


# SUSUNAN DAN PERTADBIRAN ADAT DI-SUSUN OLEH MOYANG SALEH

Ada pun orang2 Melayu Minangkabau Pemuka2 Adat perpatih yang mula2 datang ka-Jelebu itu seperti yang telah tersebut kesah-nya itu kemudian-nya mereka telah berchampur dengan orang2 asli di-situ. Penghulu Jelebu yang pertama dari orang Melayu Minangkabau di-katakan itu ia-lah Dato' Gombak berasal dari Pagar Ruyong dan kemudian-nya sa-orang bernama Dato' Mentunggan dan ia pula di-gelerkan oleh Dato' Moyang Saleh yang baharu tersebut kesah-nya. Akan tetapi Dato' Gombak itu bukan lah sabenar-nya ia berhak jadi penghulu tetapi ia-lah isteri mereka jadi-nya mereka itu membantu mengendalikan pemerentahan-nya sahaja. Tetapi Dato' Moyang Saleh memang berhak jadi Undang kerana mengikut nisab dari ibu-nya dan saterus-nya nenek nya juga. Maka kuasa yang di-ambil-nya itu memang hak-nya yang mutalak. Dan tambahan pula ia telah di-beri kuasa oleh Sultan Johor seperti yang telah tersebut maka dengan itu ada-lah kewajipan-nya mengemaskan segala pemerentahan luak-nya. Akan hal perhubungan penghulu2 Jelebu itu yang asal itu boleh-lah di-perhatikan daripada rajah ini.

## RAJAH ASAL SALASILAH UNDANG LUAK JELEBU.



Apabila sampai ka-Jelebu maka Dato' Moyang Saleh pun mengorak langkah menjalankan pemerentahan-nya. Lalu di-angkat-nya Sohor jadi Dato' Shahbandar itu sapupu-nya yang pergi bersama yang ada juga di-beri Mohor oleh Sultan Johor jadi kuasa boleh memungut hasil di-sungai2 Jelebu sabagai warith di-ayer. Mohor kebesaran ada-lah empat, satu unok Warith di-ayer yaani di-pegang oleh Dato' Shahbandar, dan tiga lagi unok Dato' Undang Jelebu di-pegang oleh Kepala2 warith yang tiga Undang unok kegunaan Undang-nya bila tiba geler-nya menyandang pesaka Undang itu. Tidak ada tarikh di-tiap2 Mohor2 ini.

Dato' Undang Moyang Saleh pun melantek Dato'2 tempat amanah kuasa-nya memegang jawatan2 yang tertentu seperti yang berikut unok mengendalikan pemerentahan-nya dan menjaga serta mengokohkan pemegangan adat serta istiadat di-luak Jelebu. Ketua2 warith Menteri dan Ombi di-angkat bergelar Dato' Menteri di-beri Tali adat kepada-nya dan Dato', Ombi di-beri Tali Pesaka kepada-nya. Ini ada-lah juga hubungan-nya di-perengkat nenek pada Dato' Undang Moyang Saleh tali itu yang di-katakan Tali dalam Adat lantekan Undang Luak Jelebu. Ada pun Menteri pertama yang di-gelarkan oleh Dato' Undang Moyang Saleh itu ia-lah Genta, dan Bata atau Kesu Ombi yang pertama ia itu anak2 Moyang Angut oleh sebab ia telah di-beri kuasa oleh Sultan Johor maka ia tidak lupakan perhubungan Tali darah mereka itu dengan-nya lalu di-angkat-nya mereka unok membesarkan Pemberian Sultan itu ia itu jawatan Dato' Mendika Menteri Akhirulzaman Sultan Jelebu. Susunan Dato'2 yang di-atorkan oleh

Dato' Undang Moyang Saleh dari (Undang Luak Jelebu) dahulu lagi ada-lah seperti berikut. Maka segala sadoran-nya yaani di-tempa satengah lembaga2 dari orang2 Minangkabau yang mendarang untok mengedalikan sukt-nya ia itu Lembaga Yang Tiga. Tetapi yang asal-nya ia-lah Mengiang Merah Bangsa berasal dari Warith juga yaani satu. Jadi-nya jawatan2 itu berkekalan-lah sa-tingga hari ini seperti yang berikut:-

1. Genta dari perut Meribong dari warith menteri sabagai warith sasilah dan berundang di-Angkat jadi Menteri Kapada Dato' Mendika Menteri Akhirulzaman, Undang Jelebu.
2. Bata dari perut Larong dari warith sasilah dan berundang jadi Dato' Ombi, Pangkal Maharaja Lela, Tali Pesaka.
3. Bakok dari perut Kampong Bukit dan waris berundang jadi lembaga suku mungkal Dato' Mengiang Merah Bangsa untok suku-nya.
4. Dagang dari perut Tembung dari Minangkabau ia itu dari Suku Tanah Datar jadi Dato' Chinchang, Maharaja Lela Lembaga Suku Tanah Datar.
5. Ainsha dari perut Teriang dari Minangkabau dari suku Batu Belang jadi Dato' Senara Angsa lembaga suku batu Belang.
6. Munok dari warith Ulu Jelebu jadi Tua warith Ulu Jelebu dengan gelaran Dato' Raja Balang.
7. Mundok dari Warith Sarin jadi Tua Warith Sarin dengan gelaran Dato' Paduka Menti.
8. Tatang dari warith Kemin jadi Tua warith Kemin dengan gelaran Dato' Maharaja Inda.

Akan Dato' Shahbandar Sohor ada-lah ia-nya dari warith Suku Mungkal juga dan ini menjadikan suku mungkal ada dua lembaga-nya, akan tetapi ia-nya terbahagi dua juga menjalankan kuasa adat di-luak ini ia itu yang bertuakan Shahbandar ada kuasa ha-nya untok tua-nya memungut hasil chukai dan bea daripada perahu2 di-Sungai Teriang dengan nama warith di-ayer bagi pehak Undang-nya. Yang bertuakan lembaga Dato' Mengiang Merah Bangsa berkuasa pula dalam hal taboran adat hal Dato' Delapan Luak Jelebu. Pertalian di-antara Moyang Saleh, Genta, Bata, Bakok dan Sohor telah di-nyatakan sabagai salasilah tertera itu. Ada-lah ketetapan peratoran ini di-patohi oleh warith berundang menjalankan hak masing2 dalam hal adat dan pesaka di-Jelebu.

Dato' Undang Moyang Saleh di-sanjong tinggi kerana mengemaskan dan menyusun pemerentahan-nya di-Jelebu dengan melantek jawatan2 atau Tua2 Lembaga2 serta biapak serta Juak2-nya serta adat istiadat kebesaran-nya sakali. Apa yang dapat di-pastikan ia-lah orang-nya yang menyusun dan mengator segala adat istiadat yang rapi untok keamanan dan ketenteraman dan keselamatan Adat Perpateh. Dan juga di-persetujui ramai ia itu untok menyunjong pesaka Undang Luak Jelebu sudah tentu di-utamakan kapada Suku Biduanda Warith sahaja. Bokti-nya telah terang terbentang kapada penduduk2 negeri ini sabagai yang berhak menuntut Pesaka Undang itu. Bagaimana pun persesuaian yang sajati dari dahulu hingga sekarang sudah terator mengikut kanunan peradatan di-antara Maraperpateh dan Biduanda di-sini dan di-persetujui oleh batin2 di-seluruh negeri dengan persumpahan persetian jangan kaut mengaut sakit

menyakit, hak orang jangan di-ambil hak kita jangan di-berikan, doa sudah di-tampung perasap kemian sudah di-bakar darah persembelihan sudah di-checkah yaani di-makan, sumpah pisau bongkok makan sarong.

JUAK2 UNDANG LUAK JELEBU ADA LAH SAPERTI BERIKUT.

Gelaran-nya	Dari Suku atau Warith	Tugas-nya
1. Tok Laksamana. (Ketua Juak2)	Warith Ulu Jelebu	Memegang bendera (Tetunggul)
2. Tok Panglima Hitam.	Suku Mungkal	Memegang Tombak bend- erang.
3. Tok Panglima Garang	Warith menteri	Memegang Pedang.
4. Tok Panglima Sutan.	Suku Batu Belang	Memegang Pedang
5. Tok Panglima Sutan	Suku Tanah Datar	Memegang Lembeng.
6. Tok Panglima Jaya.	Warith Kemin.	Memegang keris Panjang.
7. Tok Panglima Bebas	Warith Sarin (Lengkongan Paduka)	Memegang Payong.
8. Tok Panglima Raja.	Warith Ulu Jelebu (Lengkongan Raja Balang) Gabai.	Memegang keris panjang
9. Tok Panglima Perang	Warith kemin	Memegang keris panjang
10. Tok Panglima Dalam	(Lengkongan Paduka) Warith Sarin.	Menyediakan Mohor dan Dar jah2 Kehormatan Undang.

SUSUNAN MENUNJOKKAN GILIRAN YANG SA-BENAR KAPADA JAWATAN TIAP2 TUA DAN LEMBAGA PADA TIAP2 WARITH DAN SUKU SERTA BUAPAK-NYA.

A. WARITH MENTERI.

GELARAN TUA-NYA, DATO' MENTERI.

Perut mengikut Geler.	Perut Meribong	Perut Kg. Tengah	Perut Durian Daun	Perut Mengkan
Buapak.	Tok Amar Pahlawan.	Tok Lela Raja	Tok Beremban	Tok Dagang
	Genta	Tabuan	Panjang	Dagang
	Kurus	Desan	Kokut	Junding
	Mela	Jamin	Ahat	Hj. Matnur
	Tahat	Latin	Sawal	Hj. Salleh
	Ujang	Long	Talib	Othman
			Kilau.	

B. WARITH OMBI.

GELARAN TUA-NYA DATO' OMBI:

Perut mengikut geler.	Perut Larong Hulu	Perut Teriang	Perut Larong Hilir.
Buapak	Tok Senara	Tok Imam	Tok Lela Perkasa.
	Sati.	Perang.	
	Bata	Langsa	Kesu
	Molek	Badu	Dali
	Jantan	Ijah	Taah
	Abd. Kadir	Mamat	Kaman
		Naan	

C. WARITH ULU JELEBU.

GELARAN KEPALA WARITH-NYA DATO' RAJA BALANG.

Perut mengikut Geler Buapak	Ulu Jelebu  Tok Beremban  Munok Erut Manah Dolah Dekus Kidin Long Rahmat	Chenor   Saiyid Ali Sahu Said
-----------------------------------	---	--

D. WARITH SARIN "A"

GELARAN KEPALA WARITH-NYA DATO' PADUKA MENTI.

Perut mengikut Geler. Buapak To'Muda	Perut Aur Duri  Mendok Linjur Burok Maakit	Perut Peninjau  Jambi Sari Jamai Manap	Perut Kirim Mudek  Gelam Hj. Bidin Sulaiman
--	---	---	---

WARITH SARIN "B"

GELARAN TUA-NYA DATO' RAJA DI-RAJA

Perut mengikut Geler.	Kuala Jelebu. Kiya Pilus	Merbau Erut	Jelin Kechik
--------------------------	--------------------------------	----------------	-----------------

E. WARITH KEMIN.

GELARAN KEPALA WARITH-NYA DATO' MAHARAJA INDA

Perut mengikut Geler. Buapak.	Perut Teriang  Tok Laksamana  Tatang Angsa Usoh Jang Othman	Perut Kemin  Tok Lela Setia  Komin Talib Mohd	Perut Bemban  Tok Meati Penghulu  Antah Musid Musin Yusoh
-------------------------------------	---	---	--

F. SUKU BATU BELANG.

GELARAN LEMBAGA-NYA DATO' SENARA ANGSA.

Perut mengikut		
Geler	Perut Teriang	Perut Beringin
Buapak	Tok Laksamana	Tok Lela Setia
	Isa	Pinchit
	Sukul	Butun
	Jantan	Mamat.
	Akin	Ismail

G. SUKU MUNGKAL BAHAGIAN I.

GELARAN LEMBAGA-NYA DATO' MENGIANG MERAH BANGSA.

Perut mengikut	Perut Kg.	Perut	Perut
Geler.	Bukit.	Danau Selamat	Bukit Piatu.
Buapak	Tok Panglima Hitam	TokMaharaja Senara	Tok Megat Maharaja
	Bakok	Sintak	Pamau
	Selayak	Hussain	Duli
	Kadir	Solok	Sada
		Jati	Tahir
		Syed Sohor.	Hj. Salim

H. SUKU MUNGKAL BAHAGIANII WARITH DI-AYER.

GELARAN TUA-NYA DATO' SHAHBANDAR (PUCHOK BULAT)

Perut mengikut	Perut Chepum	Jelebu Tengah	Sawah
Geler.			Liat.
Buapak.	Tok Berjuansa	Tok Maharaja Perba.	Tok Laksamana
	Sohor	Kahar	Awan
	Kechil	Chadin	Ampang
	Onah	Jaamat	
	Abd. Rahman	Ahmat	
		Syed Ahmad	
		Suh.	

I. SUKU TANAH DATAR.

GELARAN LEMBAGA-NYA DATO' CHINCHANG MAHARAJA LELA.

Perut mengikut Geler.	Perut Tembun	Perut K-Klawang	Perut Kg. To' Bujang
Buapak	Tok Juan	Tok Akim	Tok Sutan.
	Dagang	Tuang	Tanggoh
	Maali	Kadir	Wahid
	Pileh	Timbang	Ali
	Hj. Jalil	Sidek	
		Tahir	
		Sakar	
		Ujang	

Salain daripada dato' yang lapan ini ada beberapa dato'2 lain lagi yang menjadi Tua bagi kumpulan mereka pula seperti:-

1. Dato' Amar Penghulu. Lembaga Suku Biduanda Ulu Klawang dahulunya termasuk dalam lengkongan Luak Sungai Ujong.  
Perut mengikut geleran-nya ia -lah Rambai Baris  
Tanjong Berangan  
Kg. Bukit Peraduan

Tua-nya di-gilirkan mengikut kata adat-nya di-hadapan penghulu-nya jika Penghulu-nya orang Rambai Baris jadi Tok Menti di-beri oleh orang perut Tanjong Berangan bagitu-lah seterusnya ka-Kg. Bukit Peraduan juga mengikut geleran-nya sahaja.

2. Dari Suku Tiga Batu. Dato' Lela Angsa. (Bekas ayer kaki Yamtuan Jelebu di-hapuskan sa-lepas-nya lenyap Yamtuan Jelebu.)

Tambahan gelaran Dato' Shahbandar itu ada-lah "Puchok Bulat Warith di-ayer, tumpuan segala dagang. Dengan ini maka dari samenjak dahulu lagi telah ada beberapa orang Dato'2 yang mewakili beberapa kumpulan orang dagang di-bawah tadbiran-nya seperti yang berikut:-

Dato' Sura	Tua Orang Rembau.
Dato' Sati	Tua Orang Pilah.
Dato' Muda	Tua Orang Pahang.
Dato' Empat	Tua Orang Minangkabau.
Dato' Setia Ampat	Tua Orang Jawa.
Dato' Dagang Jambi	Tua Orang Jambi.

Di-bawah dato'2 yang tersebut di-atas tadi ada beberapa buapak pula seperti yang telah di-sebut itu. Mereka ini ada-lah menjadi pengawas sesuatu perut dalam suku atau warith-nya itu dalam penyelenggaraan adat. Ia-nya ada-lah berkewajipan menjadi penolong kepada tua suku atau warith-nya di-dalam hal dan urusan penyelenggaraan dan taburan adat. Kesemua jawatan di-dalam adat perpateh ada-lah di-pilih. Ini berdasarkan pusaka dan geleran. Dasar pusaka itu ada-lah menurut dasar akan hak warisan itu.